

Näai't ti'll'jak Kela ko'rvveem taaks Sää'mvuu'dest

Kela tu'mmstõõgg mie'ldd sää'mvuu'dest jälsteei sä'mmlaid miõđât põõšši taaks âannmõõžž Kela ko'rvveem takssmaa'tkid, jos taaks âannmõ'šše lij vuâđđ tiõrvâsvuõđ le'be jââ'ttemõhtt-vuõdi diõtt. Põõšši taaks ââ'nnem vuâđđan lij sää'm kiõll-lää'kk, ij-ka sää'mkiõllsaž ä'sšneķ taarbaš tõn diõtt jee'rab ooccâd vuõiggâdvuõđ põõšši ta'ksse Kelast.

1 Va'ljjed jiõccsad sää'mkiõllsaž vuõ'i'ğğestko'rvveem-mõõntõõllmõõžž õõ'nni jââ'dteei le'be auttšee'kk, ķeä'st ti'll'jak Kela ko'rvveem takssmaa'tkid.

- Ti'lle taaks vuõ'i'ğğest jiijjad põõšši taaksâst mâaimõsân peei'v ou'ddel mä'tķ čiašs 14 mõõnee'st.
- Vuäitak ti'll'jed õhttân vuâra pukid teâđast âarrai mõõnnâm- da mä'ccem-maa'tkid.
- Tuu põõšši takss i'lmmat takssmaa'tki teâđaid ti'll'jõskõõskõ'sse.

2 I'lmmet tuu põõššita'ksse säittam õhttvuõđâst

- nõmmâd da persontiõd
- addrõõzz, ko'st autt vežž tuu
- mä'tķ mie'rrpäi'ķ (õuddm. puõccipõrtt)
- čiašsâi'j, kuä'ss ton õõl'ak lee'd kuâstuum häiddpäi'ķest
- puä'tte-a tuu mie'ldd veä'kkneäv v le'be sa'tti
- te'lfon-nâamar, ko'st tuu vuäžž ķidd.



3 Jos tuu ââ'nnem põõšši takss ij leäkku ââ'nnemnalla

le'be tõn vuu'dest, ko'st jeälstak ij leäkku sää'mkiõllsaž vuõ'i'ğğestko'rvveem-mõõntõõllmõõžž õõ'nni takssauttšek, vuäitak lee'd vuõ'i'ğğest õhttvuõđâst ti'll'jõskõõskõ'sse 302 240 (Pro Keskus Oy). Vuae'ttve'ted õõutveäķka ti'll'jõskõõskõõzzi se'lvted, vuäitt-a ti'll'jõskõõskõs u'vded tu'nne tiõttum sää'mkiõllsa auttšee'kk. Oudldõssân lij, što takssauttšek älgg tuu põõšši takssân.

4 Čuä'jet auttšekka tuu Kela-koort.

Ko čuä'jtak auttšekka Kela-korttâd, vuäžžak mä'tķķ-ko'rvvõõzz tâ'lles taaksâst da mäausak takssmä'tķstad jäänmõssân 25 eeu'r jiõččva'sttõõzz. Vuâmmaš, što tuu ti'll'jem säättast vuäi'tte lee'd še jeärraz tiõrvâsvuõttuõlle le'be tiõrvâsvuõttuõlâst joo'tti ä'sšnee'kk.

5 Raauk tuõđstõõzz mä'tķķ-ko'rvvõõzz väaras (SV 67)

- Jos taarbšak taaks tiõrvâsvuõttâd diõtt, raauk tõ'st tõn diõtt tuõđstõõzz tiõrvâsvuõttuõlâst (Tuõđstõs mä'tķķ-ko'rvvõõzz väaras, SV 67).
 - Seillad ķeârddmää'tķ väaras ķee'rjtum tuõđstõõzz jijstad 6 mäanpäi'j äai'j mä'tķķpeei'vest looggee'l. Kela vuäitt raukkâd tõn mäibeä'linn.
 - Tuäimmad Kela ärra ku'ķesäiggaž taaks ââ'nnma vuõiggâdvuõđ u'vddi tuõđstõõzz.

